

AIOYIHT

**NOBILITATE GENERIS, PIETATE,  
DOCTRINA, PRVDENTIA, AVCTORITA-  
te, omniq̄ue virtutum genere præ-  
stantibus:**

D. IOANNI PHILIPPO A KETTENHEIM, PRAETORI:

D. ABRAHAMO HELTIO, CONSVLARI:

D. NICOLAO HVGONI KНИЕBSIO, TREDECENVIRO:

INCLYTAE REIPVBLICAE ARGENTORATENSIS SCHO-

*larchis: Dominis ac Mecænatis suis clementibus & obseruandis, summâq̄,*

*ac perpetuâ cum obseruantia colen-*

*dis: S. D.*



**M**ERCVRIVM Hermetem illum Trismegistum (viri amplissimi, Domini ac Mecænates clementissimi) moriturum ferunt astantes amicos vehementer rogasse, vt memores forent illius nauis, quam in medio æthere pendente perpetuò ascendere & descendere docuisset. Equidem ego non ter maximus, sed quater minimus, omniumq̄ue Mercuriorum miserrimus, propter exulceratissimi & dementissimi huius nostri seculi corruptissimos mores peruersaque delicatorum homuncionum ingeniola me mox emoriturum præsentiens, hanc vobis, Mecænates, ex æthere pendentem, perpetuoq̄ue ascendentem & descendentem, inque terram è cælo oblatam quasi nauim, haud secus ac diurnâ tempestate vexati, tandemq̄ue ad optatissima littora adpellentes nauæ, reseruatas ex vndis & naufragijs tabulas (diuino vate testante) Faunis Satyrisq̄ue olim suspendere, & tanquam gratissimam quandam victimam dedicare & consecrare solebant: ita inquam hanc ego nauim vobis, tanquam Faunis, non agrestibus quidem, sed omni doctrinarum genere cultissimis & instructissimis, singulariq̄ue & sapientiâ & prudentiâ, omnibusq̄ue Heroicis virtutibus præditis, vt facti nostri naufragij, exhaustiq̄; atq; exanthlati laboris post tot terraq; mariq; susceptas peregrinationes, non solum modò tabulam quandam ex tot procellarum vndis ac fluctibus reseruata: sed totam nauim dedicatam, suspensam, & consecratam esse volui. Eiusq̄ue vos memores esse etiam atq̄ue etiam volo cupioq̄ue. Causa verò, huiusq̄ue nostri consilij ratio, cur vobis potiùs tanquam Faunis quibusdam vrbans & humanissimis quàm agresti cuidam hanc nostram nauim suspendere æternumq̄ue consecrare & dedicare volui, non vulgaris quidem, neq̄ue temeraria est. Cùm enim ante annum iam elapsam cùm honestissimam Rempubicâ tum celeberrimam